

CONFESSIO FIDEI

ex decreto Consilii Tridentini.

§. I.



Go NN. firmâ fide credo, & profiteor
omnia & singula, quæ continentur in Sym-
bolo fidei, quo S. Romana Ecclesia utitur;
Videlicet, Credo (a) in unum Deum Patrem
omnipotentem factorem cœli & terra, vis-
ibilium omnium & invisibilium. Et in unum Dominum (b) Je-
sus Christum, filium Dei unigenitum, & ex Patre natum ante
omnia secula. Deum de Deo, Lumen de Lumine, Deum ve-
rum de Deo vero, genitum, non factum, consubstantialem Patri,
per quem omnia facta sunt. Qui propter nos homines, & pro-
pter nostram salutem descendit de cœlis; Et incarnatus est de
Spiritu sancto, ex Maria Virgine, & homo factus est. Crucifixus
etiam pro nobis sub Pontio Pilato, passus, & sepultus est: Et
resurrexit tertia die secundum Scripturas: Et ascendit in cœ-
lum, sedet ad dextram Patris; Et iterum venturus est cum gloria,
judicare vivos & mortuos, cuius regni non erit finis. Et in Spi-
ritum sanctum (c) Dominum & vivificantem, qui ex Patre Fi-
lioq[ue] procedit; qui cum Patre & Filio simul adoratur, & conglori-
ficatur: qui locutus est per Prophetas. Et unam sanctam, (d) Ca-
tholicam, & Apostolicam Ecclesiam. Confiteor unum Baptisma
(e) in remissionem peccatorum: Et expecto resurrectionem (f)
mortuorum, Et vitam venturi saeculi, Amen. (g)

(a) Credimus.

(a) Credentes enim in Patrem & Filium & Sanctum Spiritum, unam essentiam, in tribus hypostasisibus, seu subsistentibus personis, adoramus unam Deitatem, unam potestatem, Trinitatem consubstantialem. L. cùm recta. §. C. de SS. Trinit. & Fide Catholic.

Deo Auctore nostrum gubernante Imperium, quod nobis à cælesti Majestate traditum est, & bella feliciter peragimus, & pacem decoramus, & statum Reipublicæ sustentamus: & ita nostros animos ad Deum omnipotentis erigimus adjutorium, ut neque arinis confidamus, neque nostris militibus, neq; bellorum ducibns vel nostro ingenio, sed omnem spem ad solam referamus Summæ providentiam Trinitatis: unde & mundi totius elementa processerunt, & eorum dispositio in orbem terrarum producta est. De concept. Di-
gester. ad Tribonian.

(b) In ultimis autem diebus confitemur Unigenitum Dei Filium, Deum de Deo, filium ex Deo ante secula, & sine tempore, ex Patre natum, coæternum Patri, ex quo omnia, & per quem omnia, descendisse de cælis, incarnatum esse ex Spiritu Sancto & Sanctâ gloriosâ & semper Virgine Mariâ, hominem factum esse, Crucem pertulisse, sepultum fuisse, & resurrexisse tertiam die, unius & ejusdem miracula & passiones quas sponte carne sustinuit, agnoscentes. Neq; enim alium Deum Verbum novimus, alium Christum, sed unum & eundem consubstantialem Patri secundum Divinitatem & consubstantialem nobis secundum humanitatem. L. cùm recta §. credentes. C. de summâ Trin. & Fide Cath.

Credimus itaque in unum Deum Patrem omnipotentem, & in unum Dominum Iesum Christum Filium Dei, & in Spiritum Sanctum, unam essentiam in tribus hypostasisibus, sive subsistentibus personis, adorantes unam Deitatem, unam potestatem, Trinitatem consubstantialem. In ultimis autem diebus confitemur Dominum nostrum Iesum Christum unigenitum Dei filium, ex Deo vero Deum, verum, ante secula & sine tempore ex Patre natum, coæternum Patri, ex quo omnia, & per quem omnia, qui descendit de cælis, incarnatus de Spiritu Sancto & Sanctâ gloriosâ & semper Virgine Mariâ, & inhumanatus, sive homo factus est, & passus crucem pro nobis sub-

6.

Pontio Pilato, sepultus est, & resurrexit tertio die. Unius ac ejusdem passiones & miracula quæ sponte pertulit in carne, agnoscentes &c. His ita se habentibus, anathematizamus omnem hæresin, præcipue verò Nestorium anthropolatram, & qui eadem cum ipso sentiunt vel senserunt: qui dividunt unum Dominum nostrum Iesum Christum filium Dei & Deum nostrum, & qui non confitentur propriè & secundum veritatem sanctam gloriosam & semper Virginem Mariam theotocon seu Deiparam, id est, Dei Matrem, sed qui duos filios dicunt, unum ex Deo Patre Deum Verbum, alterum ex sancta semper Virgine Deiparâ Mariâ, gratiâ & habitudine & propinquitate quam cum Deo Verbo habet, natum esse: & qui negant nec confitentur Dominum nostrum Iesum Christum Filium Dei & Deum nostrum incarnatum & hominem factum & crucifixum, unum esse ex Sanctâ & consubstantiali Trinitate. Ipse enim solus est coaditorandus & conglorificandus Patri & Sancto Spiritui. L. cùm Salvatorem. 6. §. credimus. 1. & §. his ita se. 2. C. de summâ Trin. & Fide Cath.

Credimus in Deum unum Patrem Omnipotentem factorem, cœli & terræ, visibilium omnium & invisibilium. Credimus & in unum Dominum nostrum Iesum Christum Filium Dei unigenitum, natum ex Patre ante omnia sæcula, & ante omnia tempora, Lumen de Lumine, Deum verum de Deo vero, natum, non factum, naturalem, non adoptivum, per quem omnia condita sunt cœlestia & terrestria, unius essentiæ, & unius substantiæ cum Patre §. 18. & 19. (& infra) passus est verâ carnis passione, mortuus est vera corporis sui morte, surrexit verâ carnis suæ resurrectione, & verâ animæ reasumptione, & eodem tempore, quo passus est, resurrexit. Ascendit in cœlos sedens in dextrâ Dei Patris. Et in eadem formâ, quâ ascendit venturus judicare vivos & mortuos, cuius regnus non erit finis. §. 22. Constit. Carol. Magn. Francofurt. Anno 794. contra hæresin Elipantinam & Felicianam apud Goldast. Constit. Imper. Tom. 1.

Siverò ipsi transgressi fuerint ea, quæ sunt ordinata, & dissimilant & non vindicent, sed quadam videlicet humanitate non laudabili capti fuerint, præter cœlestes poenas habebunt, & illinc condemnationem, quæ illis in ipso Dei representabitur Tribunal, quæ inde-

indecentem dissimulationem arguet & vindicabit. L. certissime. 34.
§. verum ista. 6. C. de Episcopali audient.

Quapropter justum non fuerit, ut omnes nos opulentiam bonitatis ac tolerantiae, & longanimitatis benigni DEI contemnamus, ne in obduratum & pœnitentiam refugiens cor nostrum iram nobis in die iræ accumulemus. Novell. 141. in præfat.

Quæ tamen ita sine defectu & confusione nostri corporis est assumpta nostra substantia, ut in eadem carne Dei filius mundum examinaturus adveniat, oculis omnium, vulnerum & clavorum indicia, repræsentans, sicut scriptum est; Videbunt, in quem pupugerunt. Anastas. Imper. de fid. Cathol. anno 516. n. 2. apud Goldast. Tom. 3. Const. Imper.

(c) De Trinitate, utrum Spiritus Sanctus, sicut procedit à Patre, ita procedat à filio, Patres in præsentia regis definierunt, Processionem Spiritus Sancti ex Patre & Filio, æquè fieri, ideoq; rectè in symbolo adjectum esse Filioq; Pipin. Aug. Decret. Ecclesiast. in Comit. anno 767. n. 2. apud Goldast, Tom. 1. Const. Imper.

(d) Firmâ fide tenendum est unam esse in terris veram atq; Catholicam Christi Ecclesiam, quamvis visibilem, quæ ab Apostolis fundata, in hanc usque ætatem nostram perdurans retinet, & suscipit, quicquid de fide & religione tradidit, tradit, & traditura est Cathedra Petri, supra quam ita & à Christo suo Sponso est aedificata, ut in his, quæ fidei sunt & religionis errare non possit. Carol. V. 1545. in confir. art. Lovanien. art. 21. Gold. d. tom. 1. Const. Imper.

Prædicamus unam sanctam DEI Ecclesiam, toto orbe diffusam, locis separata, fide & charitate conjunctam & veram remissionem peccatorum, in eadem Ecclesia sive per baptismum sive per pœnitentiam const. Car. Mag. I I. Francof. Anno 794. §. 23. Gold. Tom. 1. Const. Imp.

(e) Si quis rebaptizare quempiam de ministris Catholicæ Sectæ fuerit detectus: unà cum eo, qui piaculari crimen commisit, (si tamen criminis per ætatem capax sit) & hic, cui persuasum sit, ultimo supplicio percellatur. tot. tit. C. Ne sanct. Baptis. iteretur.

(f) Credimus & omnes homines resurrecturos esse, & finulos secundum sua opera judicari, impios æternis supplicijs damnandos

nandos cum diabolo & angelis ejus. Sanctos verò æternâ gloriâ coronandos, cum Christo & sanctis Angelis ejus in sæcula sempiterna. Carol. Magn. Francfurt. §. 24. Anno 794. Goldast. tom. I. Confit. Imper.

TRADITIONES ECCLESIASTICÆ.

§. 2.

Apostolicas & Ecclesiasticas Traditiones, (a) reliquiasq; ejusdem Ecclesiae observationes & constitutiones (b) firmissime admitto & amplector.

(a) Ac Reverendissimi sacrorum Monasteriorum Archimandritæ sequentes Sanctorum Patrum traditionem, ea scilicet fide, ut nihil penitus immutaverint, vel immutent (sicut dictum fuit) de Ecclesiastico statu, qui hactenus obtinuit &c. L. cognoscere volentes, vel, ut aliae impressiones habent, cùm velimus 7. §. Ac Reverendiss. 2. C. de summâ Trinit. & Fide Cath. Nos sequentes Sanctorum Apostolorum, & eorum, qui post eos in sanctis DEI Ecclesijs conversati sunt dogmata, justum fore existimavimus, cunctis manifestum facere, qualiter de fide, quæ in nobis est, sentiamus, insistentes & adhærentes traditioni & confessioni Sanctæ DEI Ecclesiæ Catholicae. L. cùm recta. 5. in pr. C. de summâ Trin. & Fide Cathol.

Et ad hoc omnes qui non sunt membrum Sanctæ DEI Catholicae & Apostolicae Ecclesiæ, in quâ omnes concorditer sanctissimi Episcopi, & totius orbis terrarum Patriarchæ, & Hesperiaæ, & Romæ, & hujus regiæ Civitatis, & Alexandriæ & Theopoleos, & Hierosolymorum, & omnes qui sub eis constituti sunt sanctissimi Episcopi, & Apostolicam prædicant fidem atque Traditionem. Novella 109. pr.

Nos igitur maximam habemus solicitudinem circa vera DEI dogmata & circa Sacerdotum honestatem: quam illis obtinentibus credimus, quia per eam maxima nobis dona dabuntur à DEO, & ea quæ sunt